



Profession de Fe deu M22M

Perqué votar los diluns e dimarcs 23 e 24 de noveme ?

Que votem per portar noste.a.s representant.a.s aus quate conselhs :

- Lo **Conselh d'Administracion**, instància gavidaire de l'Universitat qui determina la politica de l'establiment, vòta lo budget, elegeish lo President e arregi la massa salariala
- La **Comission de la Formacion e de la Vida Universitaria**, mei consultativa, qu'a la tòca d'organisar las questions pedagogicas (capacitat d'arcuelh, calendari universitari) o las activitats culturalas
- La **Comission de la Recèrca** qui tracta las questions ligadas aus estudiant-a-s doctorant-a-s e la politica de la recèrca
- Los **Conselhs deus Collègis** qui deciden deu foncionar interne deus tres collègis qui compausan l'Universitat de Pau e deus País de l'Ador.

Qu'ei donc l'ocasion de har entèner nosta votz d'estudiant.a.s dens las instàncias gavidairas per çò qui ei deu present e deu futur sus los diferents campus de l'UPPA. Causidas que son politicas màger, de las quaus los e las estudiant-a-s e deven participar, a maugrat deu chic de representacion estudianta dens aquestes conselhs.

Qu'ei tà d'aquesta arrason que presentam nosta lista « **M22M, tà ua Universitat a gràtis, populara, critica, emancipatritz, de proximitat, ubèrta a tots e a totas** ».

Çò qu'ei lo M22M ?

Lo Moviment deu 22 Mars ou M22M qu'ei ua platafòrma composada deu sindicat **Solidaires Étudiant.e.s Pau Occitanie**, de l'associacion **Méd'òc** (Moviment deus estudiant-a-s d'Occitània) e d'estudiant-a-s independent-a-s. La nosta lista qu'ei sostenguda per la CGT FERC sup UPPA e per las associacions l'Arrosoir e Arts&Fac. Hòrt-a-s deu nosta **engatjament associatiu e militant de tot dia**, que volem perseguir la nosta accion e orientar l'Universitat ad'arron deus **principis hòrts e assumits**, au contre d'autes listas « apolíticas » e lhèu reaccionàrias qui sostienen, a còps francament, las causidas politicas malastrosas prèsas per la presidencia de l'UPPA e lo ministèri de l'ESR. Qu'èm tanben ua lista totaument **locala**, noste.a.s membre.a.s son present.a.s e **investit.da.s tota l'annada**, pas sonque penden las eleccions, e n'avem pas **nat compte de tornar a nada instància nacionala**. Qu'ei aquera libertat qui'ns permet de poder portar lo noste project mes tanben las vòstas demandas e chepics dans las instàncias gavidaire de l'Universitat. La nosta lista qu'ei apitada a l'entorn de **7 linhas directritz**, qui son las qui segueishen :

Lutar contra la precaritat

50% deus estudiant-a-s son obligat-da-s de tribalar a costat deus estudis tà subervíver. Un o ua estudiant-a sus quate dit de non pas minjar un dia per setmana. La precaritat deus estudiant-a-s qu'ei ua realitat, engüera mei pendent aqueste passa de crisi sanitaria. Dens los conselhs, que defendem los drets deus estudiant-a-s tà miar los estudis dens condicions de las bonas. Que defeneram, per exemple, la simplificacion de l'obtencion de dispensas d'assiduitat o la gratuïtat de las inscripcions tà tots e totas, dens la continuitat de la nosta luta contra l'augmentacion de las còstas d'inscripcion taus estudiant-a-s estrangèr-a-s en 2019.

Servici public de qualitat

L'un deus pialar deu noste engatjament se pausa sus la reafirmacion de la mission deu servici public de l'UPPA, com ben collectiu comun tà la produccion, e la difusion deus sabers. Que'ns contracaram atau a todas las politicas localas e nacionalas qui mian a la privatisacion de l'Ensenhament superior e de la Recèrca, e tanben a la preséncia de representant-a-s d'empresas privadas dans los conselhs.

Democratisacion e accessibilitat au saber

Tà l'accès au saber tà tots e todas, independentament de las nostas orinas socialas, geograficas o de las situacions d'handicap. Atau, que lutaram tà hicar en plaça ua vertadèra accessibilitat a l'universitat, dab acces adaptats a las personas travadas. Aqueth engatjament que passa tanben per la nosta luta contra lo Plan Étudiant de 2018, qui crea ua seleccion a l'entrada de l'Universitat dab Parcoursup e qui torna questionar lo dret universau a la compensacion e au sostien.

Universitat de proximitat

La nosta Universitat que deu incarnar un llevader d'espandiment deus nostes territòris. Tà d'açò, que deu deféner, diversificar e desenvolopar las soas perposicions de formacion tà balhar un accès mei aisit au saber e non pas perseguir la suprecion de daubuns ensenhaments e diplòmas, tà perméter a tot-a-s de seguir estudis correctas, shens aver besonh de partir de cap tà Tolosa, Bordèu o Paris.

Diversitat culturala e linguistica

Los nostes territòris qu'an ua diversitat culturala e linguistica en danger. La defensa d'aquesta diversitat, sinonim de riquier, qu'ei ua necessitat e que deu estar acompanhada d'ua politica voluntarista a l'Universitat, notadament las lenguas occitanas e bascas. Qu'ajudaram la promulgacion d'aquestas culturas per la nosta participacion a projectes culturaus locaux e dab lo noste sostien aus estudiant-a-s dens aquestes projectes.

Universitat en luta contra las dominacions

Tà que l'UPPA e sia un lòc endostat au maximum de las discriminacions e violencias racistas, sexistas e LGBTIfobias, que'ns engatjam a har signar cartas qui obligaràn los servicis de l'UPPA e las associacions estudiantas a comunicar e agir dens l'arrespect d'aquesta carta protectritz. Que perseguiram a deféner los e las estudiant-a-s qui pateishen d'aquestas violencias e que contunharam la nosta luta especialament tà perméter aus estudiant-a-s trans qui'u vòlen de s'inscríver dab lo petit nom d'usatje.

Universitat ecologica e shens conservatòris

Que contunharam la nosta luta contra la preséncia d'empresas privadas, poludoras e destructritz de l'environament, com Total e Arkéa, dens los conselhs centraus de l'Universitat e contra los sons interès dens lo project I-SITE. Qu'obligaram l'Universitat a hicar en plaça un plan d'investiment de transicion ecologica en demandant un bilan energetic e un plan de transicion tà anar de cap a bastiments mensh gormandèr en energia. Que hicaram en plaça un vertader destriament de las dèishas sus la fac dab boridèrs selectius dens tots los bastiments